

2 TESALONIKAFỌ

Paulo Ovoli Oyade Kĩ Etselɛ ɛma Tesalonikafọ

^I Yĩ, Paulo, Silvano mo Timoteo, bɔtselɛ ovoli kĩi boama mi a kĩ minye Baguma mo boe ɔlate Yesu Kristo bade a ne Tesalonika. ^{II} Bɔwe kĩ Baguma boe ɔlega, mo boe ɔlate Yesu Kristo, bemo mi kɔnya, bekpa mi lukudo lɛmɛ.

Bɔawã Baguma Kĩ Mi Kadzi Kame Kiketimo Ye Kave a.

^{III} Nwaẽ amɛ, kenɛ kĩ boanye Baguma kole ne mi lolɔ. Fɔnenɛ kĩ boanye ye kole, kitonɛkĩ mi katekado abo anɛ, ade mi bawaẽ akũ kawɛ lɛmɛ lamena lotɔ kanaa a. ^{IV} Ne fukĩi sũ boapia ne mi akũ katsa Baguma tesoli a. Boapia lɛmɛ ne ayekĩ midzẽ pintii ne mi katekado a akũ, tito kĩ bitomo mi liti ade miamo lubo lɛmɛ.

^V Fukĩi flee atsa kĩ Baguma kadze kame kpale, ne foesũ yaamo mi kĩ mikpɔla mikpa kadzikɔ ne ye legãkanyakɔ a kĩ de akũ miamo lubo a kame.

^{VI} Baguma aakɛna letsa a kĩ lenɛnɛ ne de osi akũ, ade yaavele lubo kamɔ eko ne bikĩ bɛmona mi lubo akũ a. ^{VII} Yaafɔ mi a kĩ mimó lubo a, mo boe a flee bɔna kawɛya. Baguma aakɛna fukĩi ne lokɔ a kĩ boe ɔlate Yesu mo ye ode fɔto banyanɛ anɛ ne odetó kame ne fi mo kɔbẽ kame.

^{VIII} Yaavele bati a kĩ binyína Baguma, mo bikĩ bisĩ boe ɔlate Yesu Kristo Kale Wĩ a soto. ^{IX} Boe ɔlate aablomɛna be ne ye anɛ kame mo ye awã kĩ ye kukũkpale mo ye kɔbẽ deĩ a. Yaawola be mo odu

mŃ odu, ^X nte eya ne Luwi kpale a akũ. Yaate obu mŃ kamu etomena ye bate badone a flee sekẽ. Mi malo míana ne be kame, kitonekĩ mite ye foletsa wĩ a kĩ bubi mi a mido.

^{XI} Ade fukĩ sũ bŃabŃa mpaε ne mi lŃlŃ lŃkŃ nye lŃkŃ a. BŃawã Baguma kĩ efŃ mi kadzi kame kiketimo kave a kĩ εve mi a. Ye kŃbẽ kŃfŃ mi tuwĩ kakena flee ne mi katekado kame a fŃya ne foe kame. ^{XII} FŃatsã fukĩ akũ boe Ńlate Yesu dĩ aade ne ode, mi malo mina dĩ kadela ne ode mitomena ye sekẽ ne Baguma mŃ boe Ńlate Yesu Kristo kŃnyakamŃ sũ.

II

MitafŃ Bati Badima Lεke Mi.

^I Nwaẽ ame, bŃawe kĩ bŃabi mi foletsa fudi ne boe Ńlate Yesu Kristo kabuki kaya mŃ boe kakpŃta ne ye sekẽ a akũ. ^{II} Nte minu kĩ boe Ńlate kaya luwi a ya kŃkŃε ni, mitafŃ mi kakŃna litutulu ĩye libe liwo mi. Ńsa míakŃna kĩ boe lεle fukĩ ne lŃkŃ a kĩ bŃnyε Baguma onukpẽ, ĩye kĩ bŃle Baguma kale a, ĩye kĩ bŃtsele ovoli odi bŃma mi. ^{III} MitafŃ oti odima lεke mi ne osi odima akũ, kitonekĩ boe Ńlate luwi a lεláaya mbŃente lŃkŃ a kĩ bati pii aayidza bedza ne Baguma akũ a ya, ade oti kpa a kĩ Baguma nye eyi kĩ yaawŃla a aane εdza a. ^{IV} Oti Kpa a aayidza εdza ne Baguma Hũhũ kŃbẽ adi nye adi akũ, ĩye letsa nye letsa kĩ bati asum akũ, lŃkŃa εbŃε ye akũ kĩ εbẽ hũhũ a flee. Malo kŃlaa, yanadzã ne Baguma AsŃli KŃla kame, εkena ye akũ kĩ ye nye Baguma mŃawe a.

^V Miáte anε kĩ lŃkŃ a kĩ nna ne mi sekẽ a mbi mi fukĩ bame? ^{VI} Lεme kŃbẽ kudi sua foe kaya

osi finyaakĩ. Mi moawe a minyina letsa kĩ foane. Oti Kpa a aanye ye akũ kanya nte ye loko wo oto. **VII** Tokpa kakena kobẽ lamena adzuma kakena ne kabela kame koke. Leme fotsa a kĩ foya a ni, foláaya ne foe kame tĩ kenaawo kĩ Baguma nye oti a kĩ yasua foe osi. **VIII** Fukĩ liti ni, Baguma aanye oti kpa a kanya, leme nte boe Olate Yesu ya ni, yaakoa ye onukpẽ kame otutuo eko ye loko eko ye kukũkpale ewola ye. **IX** Oti Kpa a na aaya mo Abonsam kobẽ, loko ekena awawã mo fovã nsentseleni fotsa kumekume. **X** Ade bati a kĩ baya kawokõ a ni, oti kpa a aatsã ablo tedake tisi nye tisi akũ eke be. Baawo kitonekĩ betáte onokoali kale wĩ a kĩ fofã Baguma lekpa be nkpã a bido. **XI** Ne fukĩ sũ, Baguma aakoa hũhũ kĩ yaafã beyela osi edo ne be kame ayekĩ baate fovã kama foletsa bido. **XII** Foe kawũna aanya kĩ, Baguma aako be flee koto, kitonekĩ betáte onokoali kale a bido, mbom bamo kawole ne tokpa kakena akũ.

Bepau Mi Kĩ Mina Nkpã.

XIII Nwaẽ ame, kefeta kĩ boanye Baguma kole daa ne mi lolu, kitonekĩ yawe mi kale paa. Kito ane kayokayi a, Baguma nye mi kĩ mina kate. Eko ye Hũhũ Kpalawa ekpale mi akũ ne ayekĩ mite kale wĩ a mido sũ. **XIV** Ade fotsã Kale Wĩ a kĩ bubi mi a akũ sũ ni, Baguma ve mi kĩ miyaana tsefã ne boe Olate Kristo kukũkpale a kame. **XV** Ne fukĩ sũ, nwaẽ ame, midza kooba, mipi onokoali foletsa a kĩ botsa mi ne boe fotsa katsa, mo boe tuvoli kame a midomo akũ.

XVI Bɔawã boe ɔlate Yesu Kristo, mo Baguma boe ɔlega kɔ yawe boe kale a, kɔ ne ye kɔnyakamo kame ni, ekpa boe ɔwɔle kado mo kɔnete pii, XVII ekpa mi kɔbɛ, edo mi tɔwɔle fi ne kɔdzela wɔ kale, mo tudzuma wɔ kakena kame.

III

Mite Anɛ Mikaabɔa Mpaɛ Nɛ Boe Lɔlɔ.

I Yɔ kale kawɔnade nye kɔ, nwaɛ ame, mibɔa mpaɛ nɛ boe lɔlɔ ayekɔ boe ɔlate kale a aagba nɛ fɔkɔ kumekume, lɔkɔa bɛte ke mo obu nde ayekɔ fɔna nɛ mi kame a. II Mibɔa mpaɛ leme kɔ Baguma enye boe etomena tɔkpa mo bati kpa awe kame, kitonekɔ nnɛ bati flee lete kale a bido. III Leme boe ɔlate nye ɔnɔkɔalini, ade yaado mi kɔbɛ, edã mi akɔ ayekɔ okesɔne a lelãanya mi akɔ. IV Boe ɔlate akpa boe katekado nɛ mi akɔ kɔ miãkena nɛ fukɔ bɔtsa mi a akɔ, ade bɔate kado kɔ miãkena nɛ foe akɔ leme a. V Bɔawã Baguma kɔ ekpa mi ye ɔɔo a kayɔkanu baɔ, mo ɔwɔle kado a kɔ Kristo akpa a.

Mikena Mi Tudzuma.

VI Nwaɛ ame, bɔasi mi mbla nɛ boe ɔlate Yesu Kristo dɔ akɔ kɔ mivele mi akɔ nɛ bate badone banyonepo a kɔ baãkena nɛ fɔtsa kɔ bɔtsa mi akɔ a ɔwɛ. VII Mi moawe minyina yededeede kɔ kene kɔ miãkena adzuma nde ayekɔ boe malo bɔkena a, kitonekɔ bɔtãkena ɔnyone nɛ lɔkɔ a kɔ bɔna nɛ mi sekɛ a. VIII Bɔtãkɔa boe kanya bute nɛ odima akɔ kɔ bɔtãse kɔtɔ. Mbom bɔkena adzuma mo ɔsɔ mo ɔsɔ lenye mo suwa ayekɔ odima lelãabɔa kɔtɔ nɛ boe akɔ kadã kame. IX Budeɔ osi kufe kɔ bɔakɔa boe akɔ kadã bute nɛ mi akɔ, leme

bokena foe kī mikole mitomena boe sekē. ^X Miate ane kī lokō a kī bona ne mi sekē a, bokabi mi kī odi nye odi kī esī kī yaakena adzuma ni, etanya lemε.

^{XI} Bōabi mi fōtsa kīī bame kitonekī bōanu kī banyonepo badi deī ne mi kame, kī baākena letsama keba bakōba akū fōletsatsatsā kale.

^{XII} Bōasi bati kīī mbla bokpa be kōde mo osī mo osī ne boe Ōlate Yesu Kristo dī akū, kī bidzi kadzi wī lokōa bekēna adzuma bedā be mōawe akū.

^{XIII} Lemε, nwaē ame, mitafō akpo liveli mi ne tuwī kakena kame. ^{XIV} Ade nte odi lākēna ne fōletsatsatsa a kī bōabi mi ne ovoli kīī kame akū ni, miyi ye osū lokōa mifōne ye awe, kōnyōā kuwo ye. ^{XV} Lemε mitabōe ye likesī, mbom mide ye nde owaē aye.

Bōakla Mi.

^{XVI} Bōawā boe Ōlate mōawe a kī enye lukudo oti a, kī ekpa mi lukudo daa ne mi kadzi kame. Boe Ōlate edāmena mi flee akū.

^{XVII} Yī Paulo mōawe letsēle fōletsatsatsa kīī makla mi. Ade aye mado awe ne yī tuvoli flee kayō a, ade aye lemε matsēle fōtsa a. ^{XVIII} Bōawā kī boe Ōlate Yesu Kristo emō mi flee kōnya.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022

68df0193-2981-5275-8994-8f743fe01e5e